



Agur plastikozko poltsari

2010/01/03 | Kortabitarte Egiguren, Irati (7k)

Plastikozko poltsak **sobran** izaten dira (←) maiz etxean. Amorrarazteko adina batzuetan. Erosketak **plastikozko poltsa pila batean** sartzen ditugu (←). Edo, dendaz denda gabiltzala, (→) erosketa bakoitza **poltsa batean** jasotzen dugu. **Ez da kontu berria** plastikozko poltsa gehiegi erabiltzen ditugula (←).

Ez da edonolakoa (←), ordea, gehiegizko kontsumo horrek sortzen duen arazoa. **Bakoitzak bere buruari erreparatuz gero, poltsa horien kontsumoa** Zenbatekoa den (←) ikus daiteke (←). Ohiturak **poliki-poliki** aldatu egiten dira (←), urteak aurrera joan ahala zenbaitetan, eta legeak ezarrita, bestetan. Azken hori **da** oraingo kasua (←). Izan ere, plastikozko poltsak (→) azkenaldian albiste dira, eta **duela hilabete batzuk zenbait estatutako parlamentuek** horien erabilera gutxitzeko araudiak onartu dituzte (←) (←). Hego Euskal Herrian, esaterako, legeak **dio** horien kontsumoa 2010. urterako erdira jaitsi behar dela (←) ; 2015a baino lehen erabat desagertu beharko lukete.

Horrenbestez, **Hego Euskal Herriko hainbat supermerkatuk eta dendak** plastikozko poltsen erabilera gutxitzeko **neurriak** hartu dituzte (←) (←). Erosik, adibidez, euro-zentimo bat **deskontatzen du** erabili gabeko plastikozko poltsa bakoitzeko (←). Alegia, ordainleketan erosleei zentimo bat deskontatzen die hartzen ez duten plastikozko poltsa bakoitzeko.

(→) Arazoa zenbaterainokoa den **ulertzeko**, bi datu besterik ez. Batetik, **plastikozko poltsa batek** 400 urte behar omen ditu degradatzeko (←), alegia, erabat desagiteko. **Jakin badakigu** dendetan ematen dizkiguten plastikozko poltsak oso arinak direla (←); poltsa bakoitzak (→), batez beste, zazpi gramoko pisua **du**. Horrenbestez, erraz **barreiatzen dira** leku guztietara (←). Esaterako, egun haizetsuetan, ohiko irudia **izaten da** plastikozko poltsa bat hegan ikustea (←).

Beste alde batetik, Nazio Batuen Erakundeak ezagutzera emandako informazioa **ere** larria da (←): **ur gaziko kilometro koadro batean** (←), gutxi gorabehera 18.000 plastiko-ale **daude** ur gainean (←), norabide jakinik eta inoren kontrolik gabe. Mediterraneo itsasoa munduko plastiko-biltegi handiena da. Arrainak ito egiten dira, digestio-aparatua plastikoz betetzen zaielako. Hegaztiek irentsi egiten dituzte, arrainak direlakoan. Hala, plastikoak **milaka heriotza** eragiten ditu (←).

Zalantzarik gabe, oso kutsadura nabarmena da, deigarria, nahiz eta pisuan (→) beste hondakin batzuk baino gutxiago **izan**.

Gutako bakoitzak urtean batez beste 234 plastikozko poltsa erabiltzen ditu (↩) (↩), 2 kg inguru. Inguruko herrialdeetan antzekoa da kontsumoa (↩), plastikozko poltsen aurkako neurriak hartu ez dutenen artean behintzat.

Plastikozko poltsen gaia (→) herrialde gehienetako agendan dago gaur egun. Txinan eta Kenyan, esaterako, debekatuta daude (↩). Eta, laster, Europan ere zaila izango da (↩) dendetan poltsak dohainik eskuratzea.

Dendetan ematen dizkiguten plastikozko poltsa arinak polietilenoaz eginak daude (↩). Polietilenoa petrolioaren eratorri bat da (↩), gainerako polimero sintetiko gehienak bezala. Petroliotik etilenoa ateratzen da, eta etilenoa da, hain zuzen ere, polietilenoaren oinarritzeko osagaia. (→) Etilenoari behin eta berriz erreakzionaraziz, polietilenoaren karbono-kate luzeak lortzen dira (↩). Hainbat polietileno-mota daude. Poltsa arina, sendoa eta oso merkea da. Orain arte agertu diren ordezkotzat posible guztiak (→) (→) polietilenoazko poltsak baino garestiagoak dira, eta ez dituzte polietilenoazko poltsen ezaugarriak. Baina helburua ahalik (→) eta plastikozko poltsa gutxien erabiltzea denez, etxean gordeta ditugun ehunezko poltsak hartuta joan gintezke erosketak egitera (↩).
